



Pou Piblikasyon Imedya: 22/06/2023

GOUVÈNÈ KATHY HOCHUL

GOUVÈNÈ HOCHUL ANONSE PLIS PASE 21 MILYON DOLA POU PWOJÈ LOJMAN SIPÒ YO

Prim pou ede kreye 208 inite lojman sipò pèmanan pou Nouyòkè ki te ansyen sanzabri yo; Reyalize reparasyon nan abri ijans

Pwogram eta a finanse pou konbat pwoblèm sanzabri nan kad plan lojman sou senkan 25 milya dola Gouvènè Hochul la

Jodi a, Gouvènè Kathy Hochul te anonse plis pase 21.1 milyon dola pou pwojè lojman nan rejon Vil New York ak Lwès New York pou bay lojman sipò pèmanan pou moun k ap fè fas ak sitiyasyon sanzabri yo epi pou finanse reparasyon nan yon abri ijans nan Konte Orange. Prim yo ke Pwogram Lojman ak Asistans pou Sanzabri (Homeless Housing and Assistance Program, HHAP) Biwo pou Asistans Tanporè ak Andikape (Office of Temporary and Disability Assistance, OTDA) a sipòte pral founi 208 apatman pou sèvi moun ki se ansyen sanzabri, sa gen ladan veteran ansanm ak moun ki gen yon maladi mantal oswa pwoblèm itilizasyon sibstans, pou site sa yo sèlman.

"Lojman ki estab ak bay sipò yo se eleman enpòtan nan efò nou yo pou ede moun ki vilnerab yo ak fanmi ki fè eksperyans sanzabri nan kominate yo atravè eta a", **Gouvènè Hochul te deklare.** "Pwojè sa yo, ansanm ak anpil lòt ke Pwogram Lojman ak Asistans pou Sanzabri (Homeless Housing and Assistance Program, HHAP) yo sipòte, pral ede elaj aksè a sèvis ak sipò Nouyòkè yo ka konte sou yo pou brize sik sanzabri yo epi kòmanse sou yon chemen ki mennen nan estabilite dirab".

Yo te bay sibvansyon yo atravè yon pwosesis konpetitif ki te fèt atravè Kòporasyon Lojman ak Asistans pou Moun ki Sanzabri nan Eta New York, ki se yon kòporasyon avantaj piblik ki gen pèsonèl Biwo pou Asistans Tanporè ak Andikape (Office of Temporary and Disability Assistance, OTDA) a. Atravè pwogram sa a, Eta New York te afekte plis pase 1.6 milya dola pou devlopman lojman sipò. Otatal, pwogram nan kreye plis pase 26,000 inite lojman, pou sipòte moun ak fanmi k ap fè fas ak sitiyasyon sanzabri yo.

Avèk dènye prim sa yo, pwogram nan te angaje plis pase 100.2 milyon dola nan finansman ki prevwa nan bidjè ane fiskal 2023 a. Dènye pwojè yo bay finansman yo enkli:

- **DePaul Properties, Inc.**, 6.9 milyon dola pou devlope 25 inite nan vil Wheatfield nan Konte Niagara. Pwojè Granary a pral konstwi yon bilding twa etaj avèk instalasyon lesiv, yon sal kominotè, biwo sèvis sipò, ak yon lakou eksteryè santral pou sèvi gramoun aje ak moun k ap viv ak yon maladi mantal grav.
- **Community Access, Inc.**, 9.8 milyon dola pou devlope 163 inite lojman sipò pèmanan nan Bronx. Pwojè River II a pral konstwi yon bilding 19 etaj avèk yon chann kominotè, kwizin komèsyal, sal egzèsis, sal lesiv, ak sal òdinatè pou sèvi moun ki gen pwoblèm mantal grav ak veteran ki fè eksperyans sanzabri.
- **Thankful Community Development Corporation**, 4.4 milyon dola pou konstwi 20 inite lojman sipò pèmanan nan Buffalo. Thankful Gardens pral konstwi yon pè biling de etaj epi byen reyabilite yon twazyèm biling de etaj pou sèvi moun ki sanzabri yo ak fanmi ki gen pwoblèm itilizasyon sibstans.

Anplis de sa, Bridges of New York, Inc. te resevwa 100,000 dola pou fè reparasyon nan yon abri ijans 12 kabann nan Konte Orange.

Pwogram Lojman ak Asistans pou Sanzabri a se yon eleman enpòtan nan plan lojman konplè pou senkan 25 milya dola Gouvènè Hochul, ki te adopte nan kòmansman kòm yon pati nan bidjè ane fiskal 2023 a. Plan Gouvènè Hochul la pral kreye oswa prezèv 100,000 kay abòdab atravè Eta New York, ki gen ladan 10,000 kay ak sèvis sipò pou popilasyon vilnerab yo ansanm.

Bidjè egzekitif ane fiskal 2024 la kontinye 128 milyon dola nan finansman kapital pou Pwogram Asistans ak Lojman pou Sanzabri a. [Demann pou pwopozisyon](#) pou dènye faz finansman an te pibliye nan fen mwa pase a, avèk soumisyon yo te aksepte kounye a sou yon baz kontinyèl.

Komisè Biwo Asistans Tanporè ak Andikap la, Daniel W. Tietz, te deklare, "Abri ijans yo ak lojman sipò jwe yon wòl enpòtan nan efò nou pou lite kont sitiyasyon sanzabri nan tout eta nou an. Pwojè ki finanse atravè Pwogram Lojman ak Asistans pou Sanzabri yo ap ede elaji opsyon lojman ki bay sipò nan kominote yo ozalantou eta nou an epi bay finansman pou abri ijans pou fè reparasyon ki nesesè yo. Sipò kontinyèl Gouvènè Hochul pou pwogram sa a reflete angajman li pou asire tout Nouyòkè yo gen aksè a yon lojman ki an sekirite ak han pri abòdab".

Komisè Biwo Sante Mantal la, Doktè Ann Sullivan, te deklare, "Prim finansman lojman ki bay sipò yo te anonse jodi a pral ede moun ki gen maladi mantal viv ak pwospere nan pwòp kominote pa yo. Nou menm nan OMH, nou fyè pou nou travay ak kòlèg nou yo nan OTDA, epi nou bat bravo pou angajman istorik Gouvènè Hochul pou I bay lojman apwopriye avèk sèvis bay moun ki gen maladi mantal opòtinite pou yo viv avèk siksè epi poukонт yo nan pwòp kay yo".

Komisè Biwo Sèvis pou Adiksyon ak Sipò (OASAS) a, Chinazo Cunningham, te deklare, "Lojman sipò pou moun ki gen pwoblèm itilizasyon sibstans yo ka yon pati entegral nan pwosesis rekiperasyon yo, anplis sipò pou sante jeneral yo. OASAS pa ka tann pou l travay ak ajans patnè nou yo pou sipòte sèvis enpòtan sa yo atravè eta a, pandan n ap kontinye misyon nou pou ede tout Nouyòkè ak fanmi yo adiksyon te afekte".

Komisè Depatman Sèvis Veteran an, Viviana DeCohen, te deklare, "Alokasyon 21.1 milyon dola Gouvènè Hochul pou pwojè lojman ki gen ladan 208 inite ki deziyen espesyalman pou Veteran ak lòt moun ki te deja sanzabri, demonstre angajman san rete New York pou moun ki te sèvi nasyon nou an. Nou rekonèt nesesite ijan pou bay veteran brav nou yo anviwònman ki an sekirite ak bay sipò, pou asire yo resevwa swen ak diyite yo merite. Envestisman sa a non sèlman abòde kriz lojman imeda a, men li sèvi tou kòm yon temwayaj sou pwomès dirab nou pou onore ak sipòte veteran nou yo, ki pèmèt yo rebati lavi yo epi pwospere yon lòt fwa ankò".

Senatè eta a, Roxanne J. Persaud, te deklare, "Mwen felisite angajman Gouvènè Kathy Hochul pran pou l ofri lojman sipò pou Nouyòkè vilnerab yo. Envestisman 21.1 milyon dola a se yon etap pozitif pou bay 208 inite pou ansyen moun ki sanzabri yo. Envestisman sa a pral pèmèt yo viv ak diyite pandan y ap resevwa sèvis ki nesesè pou amelyore kalite lavi yo. Antanke Prezidan Komite Sèvis Sosyal Sena a, mwen pral kontinye travay avèk Biwo Asistans Tanporè ak pou Moun Andikape ak ekip Gouvènè a pou jwenn fason pou amelyore lavi Nouyòkè vilnerab nou yo".

Manm Asanble Maritza Davila te deklare, "Lè nou pale de lojman sipò, n ap pale de ede yo bati yon fondasyon pou fanmi yo finalman pwospere epi vin manm pwodiktif nan sosyete a. Mwen rekonesan dèske 21.1 milyon dola pral repati pou sipòte fanmi ki sanzabri yo. Souvan, sitiayson sanzabri rive paske moun yo soufri abi sibstans oswa maladi mantal. Li enpòtan pou nou bay abri pou pote yon sans nòmalite ak estabilite nan lavi yo nan monn kote yo ap fè fas ak defi konplèks. Finansman sa a pral ede entegre sèvis esansyèl pou moun ki pi vilnerab nou yo, sa ki pèmèt yo jwenn èd yo bezwen nan pakou yo pou rekiperasyon".

Prezidan DePaul Properties, Inc., Mark Fuller, te deklare, "DePaul rekonesan anvè Gouvènè Kathy Hochul ak patnè nou yo nan Biwo Asistans Tanporè ak pou Moun Andikape a pou prim sa a, ki pral pèmèt nou kreye lojman sipò nan pri abòdab kote rezidan yo ka jwenn aksè ak sèvis sipò yo bezwen pou viv avèk siksè. Nou pa ka tann pou nou chanje plis lavi toujou pou moun nan Konte Niagara yo nan ofri estabilite lojman pou pifò popilasyon vilnerab yo".

Prezidan Bridges of Greater New York, Lori Costantino-Brown, te deklare, "Sibvansyon sa a pral anpeche pwogram nou an deplase oswa fèmen pòt li yo. Avèk finansman sa a, nou ka kontinye gen yon enpak pozitif sou moun ki ap lite ak sanzabri ak pwoblèm itilizasyon sibstans nan Newburgh. Nou bat bravo pou sipò kontinyèl Gouvènè Hochul, ki ap ede chanje lavi nan kominate nou an".

Direktè Egzekitif Jeneral Community Access, Cal Hedigan, te deklare, "Prim 9.8 milyon dola ki soti nan Pwogram Lojman ak Asistans pou Sanzabri a bay finansman enpòtan pou fè developman lojman ki bay sipò ak abòdab posib. Lajan sa yo, ansanm ak prim Inisyativ Lojman Sipò Empire State nou an, pral sipòtè developman ak operasyon pwojè 276 inite nou an sou River Avenue nan Bronx. Nou bat bravo pou angajman Eta New York pran pou l konbat kriz aksesibilie nan lojman atravè eta nou an, epi nou rekonesan anvè Eta a pou patenarya li kontinye pandan n ap travay ansanm pou reyalize yon sosyete kote chak moun gen yon kay".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418